

淚雨集

恭政吟社新編

王在沼先生惠贈



MG

1226

38/2

+10818



3 1764 7948 7

王公鴻怡號樹棠。湘中名士也。前以縣令。需次吳門。爲

樊樊山所器重。歷任要缺。調署吾通。政聲卓著。今秋滿期。性甘恬退。得。贈我七律四章。夏玉敲金。不同凡響。用步原韻。卽以送別。

張著

自公旌節到吾州。麥秀雙歧大有秋。榕樹昔曾留庇蔭。喬先梓後。乘節來游。甚盛舉也。甘棠今復布經猷。好將卓魯循良比。雅與龔黃政治侔。報到一聲歸去也。攀轅父老淚紛流。

同來佳偶忽釵分。今春許夫人沒于任所夜雨淋漓不忍聞。一載宦情空若水。十年閨夢渺於雲。魂

招月下頻添恨。璧蓮花前尙習勤。今與使君長話別。消愁猶酌幾杯醺。

忽聞五袴頌吳僮。萬戶欣瞻叔度逢。雨膏黍苗流澤遠。春生花縣散香濃。洞明時事心如鏡。警覺沉迷口似鐘。頗奈征帆還白下。隔江空見萬山峯。

瓜期已屆返珂鄉。眷念交游我未忘。揮手沾巾增感慨。隻身解組益悲涼。望穿雲樹離情遠。夢斷關山別恨長。他日江南逢驛使。梅花應寄一枝芳。



民國法政大學畢業王鴻怡樹棠氏著

通州解組留別諸紳士七律四章

憶從捧檄佐通州。忽忽光陰又一秋。自愧無才承此篆。欣逢有道輔宏猷。頻年拔用恩非淺。勝地重游景不侔。五年前隨父差任斯缺幸故人多健在，離筵猶得聚清流。

興盡悲來未忍分。寒猿斷雁不堪聞。半生薄宦清如水。萬里征帆去似雲。三與湖山增闊歷。人因風月助殷勤。從今判袂崇川地。何日更同一盞醺。

漫因驪唱遠愁儂。宦海萍蹤會再逢。明月有時圓又缺。斷雲帶雨淡還濃。四好音傳到天邊雁。清夢敲回夜半鐘。渭北江東無限思。莫增惆悵隔層峯。

者番解組去江鄉。重念吾民未忍忘。鶴俸良優慚報稱。鸛幡先逝感淒涼。紅闌破鏡天難合。白下同鞭路更長。搜得細君遺稿在。頡頏蘇妹共流芳。

壽許太夫人時在二月

譚廷閔

花開紅杏映蟠桃。輓設萱堂瑞靄高。泰嶽鍾靈生太姒。德門集慶貴兒曹。斷機訓子風宗孟。截髮留賓美比陶。七秩稱觴仙樂奏。岡陵晉頌謹揮毫。

寄內子許玲珠女士

王樹棠

卿才的是玉樓仙。柳絮迎風詠事傳。曾記驪歌剛唱罷。吟懷先到渭城邊。送儂起程。有夢魂先到渭城邊之句。匆匆話別問歸期。若個癡情懶畫眉。一棹江天人跡遠。征帆應卸月明時。

憑依孿孝感神明。慈竹垂青託寵榮。當年母病割股進藥立愈曉水衡雲天作合。姻緣有定在三生。

昨夜金風客裏聞。遙天雁帶楚江雲。浮家泛宅勞心力。料得秋容瘦幾分。
移官只爲稻梁謀。世路崎嶇不可留。一出風塵增閱歷。那堪往事憶從頭。
漫道倡隨挽鹿車。儂當努力愛春華。廉泉讓水行吾素。况系烏衣子弟家。

得內子許玲珠女士書

王樹棠

鸞箋滿幅寫春愁。柳色青青上翠樓。回憶曉窗花弄影。水晶簾下看梳頭。

悼王在沼字恭政號雁行法學士也，民國二十年八月四日，逝世秦淮，時年僅二十有七。嗚呼慘矣。道德文章，詳於著述。

詩十二月令

王樹棠

新才卓犖冠羣英。望重調元負盛名。誰料曇花一現。參橫斗轉正三更。

元月

秦淮夜半墜文星。二月江南草色青。差幸流風餘韻在。杏花春雨溯儀型。

二月

烟波浩蕩絕羣塵。白日江干柳色新。從此池塘春夢杳。桃花深處更無人。

三月

四月清和雨乍晴。南風麥浪水盈盈。傷心一別成千古。野渡無人舟自橫。

四月

天中節屆艾香清。一樹榴花照眼明。蒲葉風翻人不見。六朝烟水繫哀情。

五月

花坐瓊筵醉月觴。涼生午夜菱荷香。三湘七澤音書少。盼斷伊人水一方。

六月

漁舟唱晚隔江聽。清濁沿流分渭涇。今夕家家都乞巧。天河偏翳少微星。

七月

碧槐搖落楚江頭。丹桂花開八月秋。十八日爲君誕辰渺渺高蹤何處覓。望空追悼岳陽樓。八月

生前講學住蓬萊、瀟洒襟期不染埃，淡似陶公三徑菊，傲霜忍見一枝開，
嶺梅花放小春先，回首南中客思牽，野鶴閒雲天不管，空教明月映晴川，
一陽初復水雲灣，掃墓人來鬢已斑，冬嶺幾株松尙秀，孤筇空自泣寒山，
殘年風雪斷橋邊，遙隔湘南路幾千，說到一聲君去也，潯潯淚雨落樽前，
九月
十月
十一月
十二月

悼王在沼法學士

賦梅仙館

革命叢書集早刊、筆花新穎舌翻瀾，離騷才調沉湘去，賦鵬年華逝水寒，六代文人數
王謝、三槐學士繼申韓、同學會以先生法學精粹。諡以三槐學士。名高北斗光千丈、比作騎鯨太白看
哀宗弟在沼 在鈞

文星天上列三台，小謫人間亦可哀，淒絕江南雲外路，高蹤一去不歸來，
蕭條門巷燕飛過、王謝流風感逝波、寂寂江山鴻雁渺，連天秋水接湘河，
鴻基

悼王在沼

秋水連天浪拍堤，文章聲譽與雲齊，蓼花搖蕩紅飛岸，竹葉飄颻綠到溪，一棹風翻人
不見，三槐堂圯鳥空啼，江南目極衡山色，
(寄籍江南 祖籍衡山)雁過瀟湘日又西，

輓在沼叔父

德宏

悲切雨花風木感，
光增黨國姓名香，

寄懷芸陔長兄

樹棠

鶴渚清談閱歲華，風吹淚雨入樓斜，
（恭政先生逝世後）（鄙人著有淚雨集）海棠庭院春寒重，不見新紅暈碧

紗，

花曉闌干月轉樞，槐堂燈火兩三星，笙歌漫向筵前奏，話到興亡不忍聽，
幾樹桃花帶雨濃，一堤垂柳水淙淙，滿山慘綠王孫草，埋玉關情惜亢宗，
烏衣門巷王導居，鏡裏驚看鬢影疏，回首岳雲勞夢想，別來應寄數行書，

送報館主筆赴皖

塵壇牛耳曩諸侯，早震文名海內流，去看皖公山色好，春風吹上木蘭舟，
頻年御李叨知己，難把離愁一例刪，異日詩筒憑雁遞，還期攻錯借他山，

感時壬申冬

王樹棠

疏影梅花水一灣，寥天不見鶴飛還，霏霏雨雪寒如許，逼得春光上酒顏，
鄉心南望路漫漫，東北浮雲暮更寒，我有十年家國恨，寫來聊作畫圖看，

詠雪

譚延闓

昨夜寒風冷客愁，今朝瑞雪滿山頭，最憐點綴梅花上，添得精神分外幽，
披得金貂上翠樓，花飛六出薄神州，江城萬樹都如畫，多少茅簷挂玉鈎，
雪化高峯氣象新，六朝山色解迎人，青天朗朗浮雲掃，銷淨邊塵草木春，
南華夢好臥袁安，漏滴銅瓶響未殘，快雪乍晴邀韻友，瓊筵列座酒懷寬，

寒夜

譚延闓

凍雲寒透碧窗紗，玉鼎烟銷月已斜，六幅湘簾常不捲，溫存夢影護梅花，
除夕感懷

李瑞清

千金一刻重今天，轉瞬明朝便隔年，幾點鄉心拋枕畔，兩行清淚落燈前，彈絃歌動蒼
頭感，守歲詩成白雪篇，說到興亡聽不得，消愁聊作醉中仙、

附恭政吟社詩稿

前承許君招飲雨後初晴感賦

王樹棠

晴川麗日踏青時，豔吐江毫筆一枝，月旦許登名士席，風懷誰詠海棠詩，垂楊飄絮凝
金線，文杏飛花進玉卮，二月稱觴莫道園林芳訊少，嘉魚譙我慰鄉思、

依前韻雜寫一首再請
許君晒政

王樹棠

尋春天氣豔陽時，竹外桃花三兩枝，(用成句)隔岸靜聽江上笛，入門勝觀畫中詩，名高
北斗光千丈，興溢南樓酒一卮，君係高陽文望族，毫端璀璨寫新思、

游春 用許君招飲風詩三疊原韻

王樹棠

游覽風箏比賽時，春光先到鳳凰枝，桃紅夾岸添新句，柳綠依人詠舊詩，試馬臨郊鳴
玉轡，聽鶯入谷醉瓊卮，十年一覺揚州夢，回首烟花動我思。

游春四疊前韻

王樹棠

游覽風箏決賽時，鶯花三月暮春枝，尋芳穩踏千重翠，泛棹誰吟七步詩，流水高山彈古調，白雲明月挹清卮，生平多少金蘭友，一別紅樓兩地思。

游春 五疊前韻

王樹棠

游覽陵園上巳時，東風吹老隴頭枝，千重山色都如畫，十里湖光寫入詩，紅杏村中穿粉蝶，碧桃洞裏醉仙卮，三春踏處香塵撲，過眼飛花日夜思。

游春 六疊前韻

王樹棠

游覽西湖三月時，黃鶯啼上茂林枝，不同簫管更新韻，却卷波瀾入小詩，傍岸柳絲垂畫舫，似弓橋影映金卮，春來踏過繁華景，白日青天令我思。

和王君游春原韻

宋樸存

東風又到踏青時，搖曳春光柳萬枝，花樣簇新看奪錦，鶯聲宛轉似催詩，人驚佳句成珠串，王君六疊前韻。急唱愈高。鳥勸提壺進翠卮，桃塢斜陽明豔裏，因君更動輞川思。

祝詞

頌鄭州華北日報二週紀念

誰啓聾瞶兮，名譽錚錚，惟貴報爲政府之喉舌兮，黨國先聲，茲值二週兮，廣播鴻文，健筆一枝兮，鼓吹和平，青天白日兮，渙散糾紛，大放異彩兮，華北輝騰。

題王君在沼西湖玉照

譚延闓

攝影西湖上，飄然氣象新，印來潭水丹，照出鶴精神，品既無雙品，身偏有一身，欲

觀黃叔度，卽是鏡中人。

湖上騎驢

樊樊山

驢背聞名將，人誰識幕韓。湖山千劫在，功業一鞭殘。鎮日眠鷗起，當年戰馬寒。斷橋風景好，圖畫寫來難。

杏花烟雨

樊樊山

烟雨前村合，風帘向我懸。一灣楊柳岸，十里杏花天。隱約鶯難舞，迷濛蝶不穿。江南新漲後，明月映晴川。

楊柳樓臺

李瑞清

誰倚樓頭望，迎眸柳線繁。因風花入硯，酌酒月盈軒。似接桃源路，如垂栗里門。此間宜小住，好作畫圖論。

寄友

王樹棠

錦繡文章緯萬端，水天入畫墨痕乾。如何一樣江頭月，偏照東南兩地看。

步韻

王樹棠

江東日暮望雲端，一曲驪歌淚不乾。可惜皖公山色好，未容把臂兩人看。

荷亭

不知老人

涼納荷亭放棹遲，一彎新月解人頤。半生遊俠都如夢，已把豪情付釣絲。

步韻

鴻基

消夏荷亭日影遲，調冰雪藕快吾頤，蜘蛛藏在蓮花下，賺得蜻蜓落網絲，

懷衡州大姊調寄買花聲

王鈺玲珠

春去不勾留，花事都休，美人恍在鏡中遊，理罷晚妝香篆冷，月上簾鉤，
江水自東流，何處衡州，碧空望斷岳陽樓，無限落花飛絮裏，滿地春愁，

春晴七絕四首

王樹棠

雨過青溪忽放晴，江城花柳一齊新，滿山慘綠土孫草，埋玉傷心下有人，
骯髒風塵七尺身，郊遊偶逐踏青人，道旁桃李休相笑，曾種河陽一縣春，
錫簫吹暖豔陽天，世外閒身更洒然，魚躍鸞飛都活潑，俗緣從此不相牽，
換骨登仙任品評，也從流水聽琴鳴，終年筆底春花燦，不共人間名利爭。

春陰

春寒天欲雨，畫閣影沉沉，但見低雲密，何曾返照侵，柳垂鶯不語，花暝蝶難尋，
幾旋明處，韶華滿樹林，

春陰

連朝花護靄，釀得一春陰，天少開晴意，人多怕雨心，悄垂簾寂寂，靜閉戶愔愔，
轉瞬霞明後，彈琴月照林，

輓岳母許太夫人

王樹棠

憶當年雀屏中選，瓊花影幻。永夜神傷，所幸慈竹斑斕，庇蔭孫枝恩罔極，

淚雨集

九

痛此日鶴訃遙傳，營室春寒，長途夢斷，遽爾微音縈緲，淒涼明館淚難乾，

輓法學士王在沼

聯

半山新法，首在民生，匡時却有心，忍看湘水雲停，衡峯色變，（王君祖籍衡山）
屈子多才，偏逢叔世，清流同抱恨，怕聽雨花月夜，杜宇聲哀，

輓仇景坡老先生

王樹棠

階前看桂子蘭孫挺秀，鳩杖優游，方期松柏春長。足娛晚福、
商界以泰山北斗相儼，鴻圖復振，詎料梅花香裏，忽返仙鄉，

輓通州姜紳士

王樹棠

秋月我登龍，慰白夢。解盆歌，豈期伉儷情長，英雄氣短，
春宵君跨鶴、緬高踪、懷往事、竟使瑟琴伴渺、陳榻庭懸、

弔湖南烈士某昆仲墓

譚延闓

血化何年，赤虹天外飛雙影、
魂歸此處，白鶴雲中唳一聲、

悼王高碧華

半山老人

碧欄斜曲水迴環，翠掩重門燕子閒，不忍樓頭望明月，照人依舊向眉彎。
衡山隔斷路迢迢，鸚鵡洲前葬玉嬌、七澤三湘音信少。一靈泣向落花招、

壽某夫婦八十時在五月

古月生

宏開壽宇敘天倫，毫耄齊眉景福新，謝傳家庭多寶樹，劉綱伉儷樂嘉麟，孫曾繞膝春秋富，弧輓偕懸色笑親，四代同堂仙樂奏，蒲觴泛綠燕佳賓，海屋籌添歲月新，隴西華胄慶千春，昔時艱苦親嘗日，此際賓朋介壽辰，厚德端應綿奕葉，大年自古屬仁人，士紳黨國同歡抃，桃李盈門化雨勻，堪欽哲嗣秉鈞衡，物阜民康樂歲逢，匪是庭闈垂懿訓，那能宇宙慶時雍，歡騰洛水珂鄉滿，銜接都門甘旨供，晉祝遐齡何所獻，呈圖惟有萬年松，文章泰斗冠京華，愷澤均沾億萬家，只有仁漿兼義粟，何須飲露與餐霞，高蹤異叟形藏橘，不老仙姑姓是麻，天姥峯青南極朗，滿堂榮彩照榴花。

前題

卓卓某公。天挺奇姿。中州碩望。洛水賢師。壯擷芹香。夙擅藻詞。晚任大學。聲譽益馳。行仁講讓。道德兼施。才欽太白。美比羲之。有懿夫人。聿昭壺儀。相莊鴻案。肅肅怡怡。孫曾繞膝。五桂榮枝。助隆黨國。光大門楣。毫耄雙壽。並增福釐。蒲觴泛綠。晉祝期頤。

前題

大耄榮雙慶。蘭孫桂子豐。功名齊五岳。黨國重高風。桃李盈階笑。榴花照眼紅。三千珠履集。咸祝老還童。

壽某君

聯

王樹棠

壽比嵩高。莠等酒進千觴綠。

堂盈華彩。燭花明五月紅。

友人寄贈梅花玉照題此誌懷

樹棠

窗透玉梅香。點綴添鏡裏妝、愧我疏疏雙鬢影。萬重離緒感滄桑。

壽奇伯母胡太夫人六十

李瑞清

宣統二年
二月書于
江甯學署

積德累仁福無量。

蒼松翠柏年與齊。

題

王鐵珊 兩君彈琴玉照

陳嘉言

影裏鬚眉古。驚看奪目工。岑樓高近月。鈴塔響當風。樹遠連天綠。霞明繞鏡紅。超然流水外。相賞畫圖中。

寄李君

三徑宏開黃雨來。韓潮蘇海錦濤迴。青蓮詠會高無匹。八首新詩八斗才。晚水雲騰一片催。簡書拔用作鹽梅。無情最是天涯月。對影成三太白杯。

渭北烽烟一例刪。臨江送別唱陽關。風前楊柳牽情緒。幾使離人淚雨潸。
新才舊學重鄉邦。南浦驪歌曲換腔。長笛一聲人宛在。何時剪燭話西窗。

過城外友人新居賀歲并預祝七秩

湘江

梅開五福擁君家。新歷初更煥彩霞。眼見門楣迎瑞靄。玉蘭親種祝年華。
齊眉人羨室家和。荇藻團圓樂趣多。繞膝兒孫承色笑。重門深處聽笙歌。
聲聲爆竹喜迎年。春到蓬瀛別有天。但盼及時膏雨足。豐收榮麥樂陶然。
安排華屋慶添籌。鳥語花香竹徑幽。烹到綠茶清有味。園林雖小可忘憂。

游春

王高碧華

得意游春客。長安趁馬蹄。風馳金埒遠。花護玉鞍低。繡陌香塵撲。珠簾豔影迷。掠
人飛絮舞。微逐畫橋西。

春日

王許玲珠

誰倚紅樓望。韶華寫入詩。闌干春寂寂。庭院日遲遲。花傍妝台笑。香濃翠閣時。無
言人欲倦。消遣一枰棋。

崇川州署憶母

王許玲珠

夕陽紅處片雲飛。南望金陵隔翠微。隨壻崇川剛兩月。夢魂夜夜繞慈闈。

二十一年雙十節過王樹翁高齋談詩限韻遣興

宋樸存

高齋閒坐共談詩。古調彈來漸入時。潤我枯腸烹茗茗。借君彩筆發新枝。秋林紅葉行

增豔。老圃黃花不礙遲。今日又逢雙十節。緬懷先烈動謳思。

過湯陰岳武穆故里

前人

河嶽英靈降。中原日已曛。和我出櫓相。冤獄報殊勳。南宋今無土。西湖尚有墳。軍人模範在。過客式榆粉。

西湖晚眺

李瑞清

幾行飛鷺斷橋邊。畫舫停機起暮烟。湖上夕陽無限好。宛然秋水共長天。

題莫愁湖

不知老人。

湘鄉相業付東流。金粉何心戀故侯。兒女英雄千古在。一堤垂柳爲誰愁。

題明故宮

不知老人。

幾家烟火傍花園。碎瓦頽垣滿棘榛。憶昔樓台歌舞地。而今鳳沼不生春。

木蘭女士來京過訪書此感懷

(湘江)

歲歲秦淮泛綠波。暮雲春樹恨如何。十年一別驚相見。彈指韶華感慨多。昔年同在滬江西。形影追隨髮未齊。記得敲棋消永晝。春寒常怨杜鵑啼。萋萋芳草遍江南。一棹微風捲夕嵐。山外斜陽留不得。蛾眉畫到月初三。蘭亭雅集話滄桑。說到浮生共斷腸。回憶分襟明鏡側。何堪此日鬢如霜。香車小住太匆匆。春入園林花未紅。今夕燈前同唱和。不堪明日復西東。驪歌漫唱渭城詩。無限愁懷不自持。且把瑤琴彈古調。高山流水證相知。

壽某夫人五十時在冬月

王樹棠

宏開壽宇敍天倫。輓設幃幃五十春。三祝正逢人應瑞。一陽復啓歲更新。松筠勵節長增茂。蘭桂揚芳永足珍。綵舞稱觴仙樂奏。梅開東閣燕嘉賓。

送國醫仇少坡

樊樊山

羨君功業侔良相，比美靈公濟世才，惟願羣生登壽域，杏林春暖應時開。

雪琴先生題先嚴濯足圖便面

彭玉麟

萬里扶桑日，臨流濯足時，寄情天地外，不許世人知。

木蘭從軍

王樹棠

征戍誰能替，深閨女獨勤，孤身堪報國，萬里敢從軍，巾幗輕臨敵，沙場重立功，凱旋歸繡閣，攬鏡滌邊氛，

木蘭從軍

替父從軍去，娥眉靖寇氛，關山銷粉黛，旌旆動朝暉，駿馬盤珠轡，飛戈掃戰雲，凱旋歸翠閣，女也建奇勳，

王君在沼秦淮逝世五週紀念歌以弔之

同學會

人生不過數十年，功名事業宜巍然，若不及時求建樹，遂至沒世而無傳，直與草木同枯朽，有何追念在生前，況當國難正危急，需才孔殷渴求賢，男兒年少重勤學，爲國紓難任仔肩，艱辛卓絕須持久，百折不回志彌堅，偉哉學士王在沼，才華知識並超羣

，金陵畢業年十七，考入大學勵精勤，法政研究無暇晷，有如陶侃惜陰分，成竹在胸迭應試，筆陣橫掃五千軍，博通文藝識時務，學貫中西擴見聞，等身著作堪傳世，琳瑯珠玉燦繽紛，方期大才有大用，出爲民國立功勳，無何有志尚未酬，翻嘆此生命不猶，公園大水瀾漫日，竟與波臣爲匹儔，八月秋風悲旅櫓，兩行血淚哭白頭，光陰迅速眉五載，英容杳杳隔泉幽，雨花台上增客感，梅尉山前寫我憂，衡岳風雲齊變色，秦淮鳴咽水西流，太息斯人命不長，頓教搔首問穹蒼，饒生奇才應培植，胡爲一日摧棟樑，豈是數奇難挽轉，抑由運蹇厄黃楊，令我百思不得解，祇增切怛益悲傷，賈生抑鬱不得志，屈原汨沒水中央，精衛卵石填恨海，子胥掀浪吼風狂，古今人才同一轍，悲憤填膺恨勿忘，灌水滔滔不復返。爲君營奠更傾觴。臨流酌酒憑追悼。英靈不昧去何鄉。霜天萬里風蕭颯。烟波浩渺嘆汪洋。

悼王在沼（四季）

同學會

畫鶴飛絮逐鞭梢，花斷重門久不敲，賸有呢喃雙燕子，堂前猶認舊時巢，荷亭午夜意徬徨，淡蕩風來撲面香，怕倚欄杆歌水調，伊人洄溯在中央，搖落槐花寫不真，飛潛何故太撩人，無情最是秦淮水，依舊清風起白蘋，不見文星照座來，幾番風雪逼年殘，鍾期逝後知音少，流水聲中淚暗彈，

悼王在沼

同學會

柳外春風吹酒旗，花飛墓道望迷離，此情可待成追憶，惟有滔滔江水知，

鎮塵烟觸石頭紛，不見魚鱗還水紋，海角天涯誰是伴，白雲明月弔湘君，
悼華宗在沼 樹棠

迴廊彷彿珮聲微，水閣湘簾捲落暉，燕去樓空巢已圯，三槐堂被冷烟圍，
千里山程與水程，(用成句)旅魂和月夜南征，人間莫信涼宵永，夢到衡峯已五更，
恭政吟社 社長陳嘉言

破浪騎鯨去，憐才涕淚多，從今詩社冷，不忍再吟哦，
送亡友趙某靈柩赴湘

吹簫扁舟湖水長，萬重雲樹夜蒼涼，多情一片江南月，直送君魂到岳陽，
通州卸篆登舟口占 王樹棠

通州解組返江鄉，陶令歸來徑未荒，聞道輿情歌愛戴，崇川兩世有甘棠，
紳士中，送行詩，有哀辭詩，名譽兩世之句。

題淚雨集 王樹棠
相逢柳色五湖天，畫裏詩情豔網川，翻得一篇悲悼句，潸潸淚雨落樽前，

題淚雨集(步前韻) 前人
一集詩成雪後天，怕看明月映晴川，不知多少文人淚，洒在亭台花雨前，

編輯者恭政吟社
分銷處南京龍門西街五號

